



HYLLESTAD KOMMUNE

Administrasjonssjefen

Kommunal og regionaldepartementet
postboks 8112 Dep

0032 OSLO

Vår ref.:
Arkivsaknr.: 07/1017-2/ JCL
L.nr.: 07/6051

Dykkar ref.:

Arkivkode:
K1-103

Dato:
21.12.2007

Høyringsuttale til Sørheimutvalet sitt forslag til forbedring av overføringssystemet for kommunane

Hyllestad kommunestyre har vedteke følgjande samrøystes fråsegn:

20.12.2007 HYLLESTAD KOMMUNESTYRE

KOMM-192/07 VEDTAK:

Hyllestad kommune gir slik uttale til Sørheimutvalet sin rapport:

Hyllestad kommune viser til hovudføremålet med inntektssystemet som er å tilrettelegge for eit likeverdig tenestetilbod i alle delar av landet. I dag har kommunane svært ulike føresetnader for å oppretthalde og vidareutvikle tenestetilbodet, og høvet til å drive lokalsamfunnsutvikling varierer sterkt.

Til dei ulike delane av framlegget:

Skattedelen av kommunane sine inntekter

Ein er samd i at skatteinntekter skal utgjere ein del av finansieringa av kommunesektoren. Men at skattedelen blir halden på same nivå som i dag, og ikkje vert auka, er viktig i høve til å tilrettelegge for eit likeverdig tenestetilbod. Dette fordi skattegrunnlaget varierer mykje mellom kommunane. Ein er difor samde i utvalet si innstilling på dette punktet.

Nivå på og utforming av inntektsutjamninga

For å oppnå målsetjinga om eit likeverdig tenestetilbod er det naudsynt med ei sterkare inntektsutjamning. Ein meiner at det bør vere ein vesentleg større auke i inntektsutjamninga enn det som er tilrådd frå Sørheimsutvalet.

Selskapsskatten som kommunal skatt

Postadr.: 6957 HYLLESTAD
Telefon: 57 78 95 00
Telefaks: 57 78 86 95
E-post: postmottak.hyllestad@hyllestad.kommune.no

Org.nr. 964 967 547
Bankkonto skatt: 7855.05.14132
Bankkonto: 3837.07.00319
Web-adresse: www.hyllestad.kommune.no

Det er positivt at selskapsskatten vert teken ut av inntektssystemet. Selskapsskatten er uføreseieleg og varierer sterkt frå år til år. Kommunane blir nekta innsyn i skattegrunnlaget. Selskapsskatten bidreg dessutan ikkje til å fremje interkommunalt samarbeid.

Regionalpolitisk grunngjevne tilskot innanfor inntektssystemet

Det er viktig at inntektssystemet omfatter eit distriktspolitisk tilskot, slik at distriktskommunar med særskilte utfordringar med m.a. fråflytting og svakt skattegrunnlag kan ha det same handlingsrommet for samfunnsutvikling som andre kommunar, og det same høvet til å utvikle sitt tenestetilbod. Det er dette som må vere den viktigaste grunngjevinga for eit slikt tilskot, og ikkje at det skal vere eit *betre* tenestetilbod i desse kommunane.

Ein ser at dagens ordning har svake sider, og støttar i hovudsak Sørheimsutvalet sitt framlegg til ny innretning av dette tilskotet. Utslaga er likevel for dramatiske. Ein føreset i det minste at føreståande justeringar av utgiftsutjamninga kompenserer for tapet som Hyllestad kommune får pga denne omlegginga.

Vi er samde i at det må takast særskilt omsyn til dei spesielle forholda for nord-Norge, men det er grunn til å peike på at Sogn og Fjordane i stor grad har dei same utfordringane som nord-Norge.

Behovet for eigne tilskot til vekst- og fråflyttingskommunar

Hyllestad kommune er glad for at inntektssystemutvalet ser dei særlege utfordringane fråflyttingskommunar står overfor. Å gå bort frå å nytte oppdaterte innbyggjartal i utgiftsutjamninga (i staden folketal pr 01.07. året før), styrke inntektsutjamninga og forbetre overgangsordninga er tiltak som betrar situasjonen. Ein støttar og at det er særskilte tiltak for kommunar med ekstrem vekst.

Storleiken på skjønssramma innanfor inntektssystemet

Ein er usamd med utvalet når det gjeld storleiken på skjønstilskotet. Det er vanskeleg å konstruere eit inntektssystem som tek omsyn til alle forhold som påvirker inntektene og kostnadene. Ein bør difor vere varsam med å redusere storleiken på skjønsmidlane. Men dette må også vurderast i lys av departementet sitt framlegg til nye kostnadsnøklar i utgiftsutjamninga.

Ordninga med oppdatering av folketal i utgiftsutjamninga

Å gå bort frå å nytte oppdaterte innbyggjartal i utgiftsutjamninga (i staden folketal pr 01.07. året før), er positivt i høve til å skape ein meir føreseieleg og handterbar situasjon for kommunar med reduksjon i folketalet.

Behovet for overgangsordningar i inntektssystemet

For å sikre seg mot store, uheldige utslag i inntektssystemet ved endringar, er det viktig med ei god overgangsordning. Framlegget om at ingen kommunar skal få redusert rammetilskotet med meir enn kr 300 pr innbyggjar i høve til gjennomsnittet frå eitt år til eit anna er positivt.

Med helsing



Tore Bråstad

ordførar

direktetlf: 57 78 95 03

Kopi til:

HAFS-kommunane
KS Sogn og Fjordane